



Akcija "Ringišpil" na širem području BiH

Pretresi na pet lokacija, uhapšeno 15 osoba

Akcija je provedena u Sarajevu, Istočnom Sarajevu, Visokom i Ljubuškom

Pripadnici Uprave za indirektno oporezivanje i pripadnici Državne agencije za istrage i zaštitu (SIPA) proveli su prethodno i jučer akciju "Ringišpil". Riječ je o suzbijanju organiziranog kriminala, a u vezi sa poreznim utajama, pranjem novca, falsificiranjem dokumentacije i prevarama. Akcija je provedena u Sarajevu, Istočnom Sarajevu, Visokom i Ljubuškom. Uhapšeno je 15 osoba.

Provodila se prema naredbama Suda BiH i Tužilaštva BiH, a u saradnji sa pripadnicima ministarstava unutrašnjih poslova Srednjobosanskog, Zapadnohercegovačkog, Zeničko-dobojskog kantona i Republike Srpske. Jučer su na području Kiseljaka izvršeni pretresi na pet lokacija. Privedena je jedna osoba iz Vojkovića, gdje je, kao



Pripadnici SIPA-e na terenu

i na Palama, oduzeta određena dokumentacija. U Ljubuškom je oduzeto 15 pečata. Također je pronađeno oružje te skupocijena vozila ukupne vrijednosti preko milion konvertibilnih maraka. Ova grupa prevarama je ostvarila više-

milionske utaje PDV-a, i to kroz takozvane lizing-prevare, prevare osiguranja, promet dobara nacрно (duhan u listu i sječeni, otpadno željezo), maskiranje stvarnog prometa razduživanjem dobara na fiktivne pravne osobe.

Dž. Bl.